



Pou Piblikasyon Imedya: 23/03/2023

GOUVÈNÈ KATHY HOCHUL

GOUVÈNÈ HOCHUL ANONSE OUVÈTI PREMYE DISPANSÈ VANT AN DETAY KANABIS POU ADILT ITILIZE NAN REJYON KAPITAL LA

Yon moun ki enplike lajistis pral ouvri dispansè vant an detay Schenectady a nan 1 avril

Dispansè vant an detay pou adilt itilize ki kondisyonèl la pral ranfòse inisyativ Opòtinite Semansman Eta New York la ki santre sou ekite ak jistis

Gouvènè Kathy Hochul te anonse jodi a ouvèti premye lokal dispansè vant an detay pou adilt itilize ki kondisyonèl (Conditional Adult-Use Retail Dispensary, CAURD) nan Schenectady - premye k ap ouvri nan Rejon Kapital la. Ouvèti magazen an kontinye ede fè avanse Inisyativ Opòtinite Semansman Eta New York la ak objektif ekite eta a nan zafè lisans pou kanabis, ki priyozie bay lisans CAURD pou moun ki enplike nan lajistis. Moun ki enplike lajistis se moun ki gen yon kondanasyon pou kanabis oswa yon fanmi pwòch yon moun ki gen yon kondanasyon, ak òganizasyon san bi likratif ki ede yo.

"N ap konstwi yon mache ekitab kanabis pou adilt itilize ki founi yon pwodui ki pi sekirité pou Nouyòkè yo, pandan l ap konpanse mal aplikasyon lwa entèdiksyon kanabis yon fason ki pa pwopòsyonèl la te lakòz", **Gouvènè Hochul te deklare**. "Avèk dènye ouvèti dispansè sa a - premye a nan Rejon Kapital la - nou kontinye fè avanse endistri prensipal nan peyi nou an epi n ap kontinye travay pou atenn objektif agresif ki make nan Lwa sou Kanabis New York la".

Dispansè vant an detay la rele "Upstate Canna Co." - ki sitiye nan 1613 Union St. Schenectady, NY 12309 - pral posede epi jere pa yon antreprenè lokal ki gen eksperyans, Don Andrews, epi li pral ouvri 1 avril nan 11:00 A.M. epi fèmen nan 9:00 P.M. Orè operasyon regilye yo pral lendi-vandredi 9:00 A.M.-1:00 P.M., samdi 11:00 A.M.-11:00 P.M. ak dimanch 11:00 A.M.-5:00 P.M. Pandan 10 ane, Mesye Andrews te posede ak jere vitrin magazen vant an detay ki espesyalize nan fimen, sigarèt elektwonik, chanv abaz kanabis (egzanp pwodwi CBD) ak akseswa nan Schenectady ak Scotia.

Pwopriyetè Upstate Canna Co., Don Andrews, te deklare, "Mwen te yon pwopriyetè magazen ak operatè nan Konte Schenectady pandan dis ane pase yo. Mwen onore pou

m se premye dispansè nan Rejyon Kapital la ki pral louvri pòt bay biblik la epi ki bay bon jan kalite pwodwi kanabis pou granmoun ki teste nan laboratwa New York. Mèsi a OCM ak Gouvènè Hochul paske yo te lanse pwogram sa a -- yo te fè yon travay eksepsyonèl epi se te fòmidab pou travay avèk yo. Nou kontan anpil pou nou fè pati fondasyon kominote ak endistri kanabis k ap grandi nan Eta New York".

Prezidan Konsèy pou Kontwòl Kanabis Ia, Tremaine Wright, te deklare, "Ouvèti premye dispansè a nan Rejyon Kapital la se yon temwayaj sou angajman kontinyèl nou pou kwasans mache pou adilt itilize isit la nan New York. Se yon opòtinite tou pou nouvo magazen vant an detay sa a pou kontribiye pozitivman nan kwasans ekonomik nan Schenectady nan kreye travay ak jenere revni. Nou gen konfyans dispansè sa a pral yon gwo resous pou kominote a epi nou espere wè enpak li".

Direktè Egzekitif Biwo Jesyon Kanabis Ia, Chris Alexander, te deklare, "Nou kontan pou nou ajoute yon lòt revandè an detay ki devwe nan mache pou adilt itilize a ki pran angajman pou bay bon jan kalite pwodwi ak sèvis pou tout moun ki chwazi patisipe nan endistri a. Avèk nouvo premye adisyon sa a nan Rejyon Kapital la, nou kontan dèsk plis moun pral gen aksè a pwodui kanabis ki an sekrite ak fyab nan Eta New York".

Lisans CAURD la se yon poto santral nan kad [Inisyativ Opòtinite Semansman Eta New York Ia](#). Atravè Inisyativ la, premye dispansè pou vann an detay legalman pou itilizasyon adilt yo pral opere pa sila yo ki te afekte pa entèdiksyon kanabis oswa òganizasyon san bi likratif ki gen sèvis yo ki enkli sipò pou ansyen prizonye yo. Dispansè sa yo ap vann kanabis legalman pou itilizasyon adilt ak pwodui kanabis ki kiltive pa Kiltivatè New York yo.

Pou ka elijib, aplikan yo dwe swa gen yon kondanasyon pou kanabis pou tèt yo, oswa yo dwe manm fanmi pwòch yon moun ki te kondane, epi posede oswa ki déjà posede yon biznis ki te gen yon pwofi nèt pou omwen dezan. Òganizasyon san bi likratif yo elijib pou lisans CAURD si yo gen yon istwa nan sèvi ak moun ki nan prizon kounye a oswa ansyen prizonye (tankou kreye opòtinite pwofesyonèl pou yo); genyen omwen yon manm konsèy jistics ki enplike; omwen senk anplwaye aplantan epi yo te opere yon antrepriz sosyal ki te gen byen nèt oswa pwofi pou omwen dezan.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)